

Kak denešni turopoljski kajkavski pisci pišeju?

Kuzmić, Boris

Source / Izvornik: Škrijna turčopolska, 2020, 3, 1 - 3

Journal article, Published version

Rad u časopisu, Objavljeni verzija rada (izdavačev PDF)

Permanent link / Trajna poveznica: <https://urn.nsk.hr/urn:nbn:hr:131:488062>

Rights / Prava: [In copyright](#) / Zaštićeno autorskim pravom.

Download date / Datum preuzimanja: **2024-07-17**



Sveučilište u Zagrebu
Filozofski fakultet
University of Zagreb
Faculty of Humanities
and Social Sciences

Repository / Repozitorij:

[ODRAZ - open repository of the University of Zagreb](#)
[Faculty of Humanities and Social Sciences](#)



DIGITALNI AKADEMSKI ARHIVI I REPOZITORIJ

TUROPÔLSKI JÊZEK I OBIČAJI

Kak denešnji turopoljski kajkavski pisci pišeju?

Boris Kuzmić,
Zagreb

Del prvi

Naj mi denešnji čtavci teksta teroga pišem ne zameriju ak ni onakof kakof bi sami šteli.

Vu ovom članku štel bi prikazati kakvum kajkavščinum pišeju denešnji turopoljski pisci. Mam bum rastumačil kakvim jezikom oni pišeju. Čim se neki pisec sedne za stol i počne nekaj pisati na svom dijalektu mam se ta poezija ili proza prozove zavičajnum ili dijalektalnum ili kojekak drukčeše, al u biti stvar je puno komplikiraneša nek se f prvi mah misli. Pisajne književnoga dela kombinacija je sega i sačega. To je delatnost možđaneh teri kalkuleraju kak bi se nekaj moglo reći.

Prvo, saki dijalektalni tekst mora nastati na nektere domače podloge, na domačoj reči dотičнога села, заселка или паноге неког села. Saki pisec najbolše pozna svoj materinski govor, pa tak i naši pisci z Turopolja.

Drugo, važno je i kaj su i kakva su književna dela na kajkavščine naši pisci čitali. Treba znati da je književna kajkavščina jeden, a denešnji turopoljski dijalekt drugi del iste priče.

Treće je, i ne menje važno, kak se štokavščina vlekla v kajkavščinu, odnosno je li vpliv štokavščine veči od čuvajna kajkavske starine.

Mene se meni da je pisajne kniževnoga dela na turopoljskom dijalektu kombinacija seh treh delov tere sem spomenul. Vu prvom delu štel bi naglasiti f čem se denešnji turopoljski pisci slažeju. Za analizu bum zel samo crte kaj se glasova tiču. Naj mi ne zameriju pisci tere nisem ili ne bum spomenul, jer sem zel samo neke autore za analizu (Josipa Kovačevića, Đurđu Jandriš Parać, Jasnu Vugu, Slavicu Sarkotić, Stjepana Viteza i Željku Cvetković).

Došel sem do zaključka da se naši pisci slažeju v jedenajst glasovnih crtah. To su glasovne crte tere si denešnji turopoljski pisci imaju i saku od tih crt ovde bum prikazal:

1) Prva od nih je glas *e* na mestu gde i štokavci imaju *e*, al čakavci moreju imeti *a*, npr. *jatra, počati, žati, prijati*. Si naši pisci na tom mestu imaju *e*, npr. *ime, mesec, se, zeti, žejen, jezik, zajec, žeti, prijeti*;

2) Dale, tam gde štokavci imaju *pro-* kod nas se javla *pre-*, npr. *preklijati, prečitati, preiti, prešenje, prekleti*;

3) Gublejne glasa *o* na kraju reči takodjer je nihova zajednička crta, npr. *kak, tak, kam, nekam, rad, neg, jednak, sim*;

4) De štokavci razlikuju *č* i *ć*, naši pisci imaju *č*, npr. *več, noč, oču, očeš, oče, večinom, pomoći, sreča, plača*;

5) Početno *ht-* naši turopoljski pisci pišu sa *št-*, obično kod glagola *hteti* (*šteti*) npr. *štel, štela, štelo, šteli, štele, štela*;

6) Proteza, iliti glas teri se vumeče pred samoglasnik, imaju si naši turopoljski pisci, npr. *vura, vušiv, vuvo, vusnica, vudriti, vučiti, vuzlati, vuzek*;

7) Završno *-l* navek se čuva, tj. nigdar se ne mejna v *o*, npr. *prečital, osel, posel, išel, miluval, ošamutil, misel, smisel, zibal, žal*;

8) Istovremeno se moreju se tri varijante najti v ostvarajih *nj, n* ili *jn*, npr. *krošnja, njegov, njegva, prošenje, konj; negov, negva, kniga, spominati, ogen, svina; korejne, škrijna, svijna, kojn*;

9) Tam de štokavci imaju *št*, naši pisci imaju *šč*, npr. *sloboščina, plemenščina, koščica, iščeš, iščete, ognišče, popuščati, obaveščen, ščipati*;

10) Kod glagola *moći* prezent navek glasi, tj. ž se mejna v *r*: *morem, moreš, more, moremo, morete, moreju, moru*, a negirani *nemrem, nemreš, nemre, nemremo, nemrete, nemreju, nemru*. Ista se promena javla i u drugih

rečih, npr. *nigdar, nigdarek*;

11) Ako štokavci imaju glagolske oblike *doći, dođem; poći, podjem*, onda pak si naši turopoljski pisci imaju oblike *dojti, dojdem; pojti, pojdem*.

Treba reči da je puno više crta tere jesu zajedničke v dva ili tri autora, ali nisu svim jer za nih nema potvrd.

Vu **drugom delu** bum prikazal v terim glasovnim crtam se naši denešnji turopoljski kajkavski pisci razilaziju i s tim bum završil priповest o glasoslovlju. Do sledećeg dela, lepi pozdrav šelem sem Turopolkam i Turopolcem!

Boris Kuzmić,
bivši Goričanec, a sad Zagrebec, vu srcu i duše navek Turopolc